

欽定剿平三省邪匪方略

欽定剿平三省邪匪方略正編卷一百七十七

庚申年

閏四月二十八日

庚辰

托津奏言竊查省局爲軍

需而設所撥銀兩自應先儘軍餉支用原不得

以地方公事藉口濫銷

臣

接辦以來屢飭省局

將軍需及地方兩項劃清界限毋許牽混前因

大兵俱在川西係省局所管股內先儘多撥餉

銀今賊匪竄入川北川東則保達二局較重查

省局向來置辦軍火軍裝及運送軍糧腳價等  
事軍需用項雖屬繁多惟以目下供支而論祇  
係勒保一路軍營所費較前稍減

臣

復將先經

指撥省局餉銀內飭令抽撥達局總視何路兵  
多卽於何局多爲撥餉現在德楞泰及勒保兩  
路軍營雖俱連得勝仗斬獲甚多但龍安一路

日內尙未肅清川北川東賊匪仍復不少

臣

察

看情形征防剿堵需費浩繁縱使勒保將龍安賊匪趕緊辦竣移師前來與德楞泰會同兜剿固屬得力然核之兵數供支仍未能稍減又查嘉陵江一帶自遭蹂躪後所有昔日沿江之團勇今俱爲被擾之難民勢不得不添募鄉勇支領之項較前益增且陝楚賊匪刻下亦未盡除卽川匪於一兩月內剿淨而陝楚交界處所屬

層卡隘仍須安設兵勇以防折竄入川當此喫  
緊之時急需籌備惟有仰懇

天恩俯念川省距京遙遠解運需時

勅部卽撥餉銀來川俾免貽悞於軍務方有裨益奏  
入

上命軍機大臣傳諭托津曰川省剿捕現當喫緊之  
際軍餉自所急需托津酌量情形原可隨時奏請

乃於一月以前預懇接濟豈不徒添朕之憂悶托  
津甚屬冒昧糊塗看來托津於軍餉事務漫無籌  
畫廣興亦年輕好事在彼總屬無益現在湖北陝  
西亦有軍需並未由京派大員前往經理川省亦  
當一律裁撤以省推諉已降旨將軍餉交署總督  
勒保派本省地方官接辦托津廣興著卽來京供  
職並准其馳驛行走伊二人才具平常旣不能籌

辦餉務而帶兵打仗更非所長接奉此旨斷不准  
續奏留川卽過陝西時亦無庸向經畧懇請隨營  
効力此卽朕保全伊二人之恩不可不知也所有  
經手一切錢糧俟勒保派員一到交代清楚卽行  
起程

上命軍機大臣傳諭德楞額奏勒保曰教匪滋事已閱  
四年有餘卽以川省而論當王三槐徐添德起事

時原因地方官貪黷營私激成事變其始不過本省匪徒偶有嘯聚原應用本省兵馬錢糧立時撲滅乃彼時本省辦理軍務之文武官員不能妥爲經理致煩徵兵撥餉其事漸至張大而承辦各員不能及早滅賊轉藉軍需爲名私肥囊橐賊勢日愈蔓延帑項日益糜費現在川東川北之賊前據德楞泰奏有九股而龍安竄匪亦尙在稽誅此時



已屆盛夏歲事無期南方氣候蒸歊又將以溽暑  
雨水爲詞遷延時日似此因循玩愒何時始能辦  
竣且國家經費有常綜計辦理軍務內外撥給餉  
銀已不下十千萬兩尙未能肅清一處綏靖一方  
不過隔一二月又請餉若干萬竟成故套試思軍  
務如此稽延辦理漫無把握卽再撥若干萬虛糜  
何益朕實深憤恨此時若不亟思改圖伊於何底

勒保係四川總督德楞泰係成都將軍皆係本省  
大員所有四川軍務乃伊二人分內之事必當通  
盤籌畫不可爲目前敷衍塞責之計如該省節年  
所調官兵其中傷病疲乏者自不一而足而續調  
他省新兵未經訓練又不能得力貴州新調之兵  
卽其明驗與其添調多兵糜費餉項何如分別裁  
減將疲病無用者急速撤令歸伍挑出精壯可用

之兵酌留數千以資剿賊其官弁內有因傷病留駐該省者既不能帶兵留彼何用應卽飭令回京及撤回原營此內節省浮費已屬不少至鄉勇一項其僱募者需費較兵丁更多打仗既不能出力卽用以防守非其鄉貫無田廬室家之戀孰肯盡心況此類多係無藉之徒賊平之後如何安置不過地方官希圖多報開銷難以稽考耳聞團練鄉

勇最爲得力以本處之民卽在本處團練守禦賊  
至則人人自爲捍衛賊去仍復其故業平時無鹽  
菜口糧之費卽臨時官爲資給其費較之募勇相  
去懸絕伊等各顧身家不難齊其心力地方官果  
能加之獎勵結以恩信其有能殺賊立功者遵照  
疊降諭旨奏明擢用文武官職其不願出仕者給  
以頂戴榮身或酌加賞資賊平之日卽格外奏請

加恩蠲免錢糧一二年朕亦不吝如此鼓舞振興  
自必人知感奮衆志成城是團勇一法費用少而  
獲效多目前守禦之計無過於此此外再將健勇  
官兵酌分數路以資剿擊賊之大股既有官兵殲  
殺其零星竄逸者責成各團勇就近截拏可期事  
半功倍其需用兵餉自應卽在本省籌辦現已降  
旨將托津廣興飭令回京所有達局軍需事務卽

著勒保遵委妥員接辦現仍發去庫銀四十萬兩  
暫爲接濟此後責成勒保卽以川省之錢糧供支  
川省之軍務不准專事請餉徒滋浮費而無實效  
勒保惟當實心經理俾供支無缺而貪墨不致中  
飽方爲不負委任此後不必再言請餉矣川省軍  
務著德楞泰會同勒保詳悉妥籌將應留應撤各  
官兵分別辦理其各股賊匪應如何布置一切堵

剿事宜籌定大局先行奏聞至餉項則專交勒保  
悉心綜理就該省情形設法籌辦務令民不致擾  
而餉無匱乏此爲最要

同日

上諭內閣曰著於部庫內撥銀二十萬兩廣儲司撥  
銀二十萬兩共四十萬兩解往四川交與勒保存  
貯備用

二十九日辛巳勒保奏言查龍安境內賊匪自經

官兵於竹子山平家崖通嶺等處節次截擊所

有藍白黃三號均向鳳陽山老林內合夥同奔

因該處道路叢雜在在小路可通江油石泉

安縣等處經臣督兵分路兜圍遏住川西要路

該匪等在老山林內潛匿三日無從覓食初八

日復從喜定堡竄出欲奔安縣正值叅將張志



林帶領屯土官兵由巴都河一路進抵磨壩山  
溝見有騎馬賊匪百餘人直向溝內衝來該叅  
將卽帶兵迎截當有綽斯甲土兵踴躍爭先立  
斃馬賊十三名並將馬匹一併搶獲餘匪卽由  
右手山梁奔竄旋有步行之賊在山上分爲四  
股吶喊而下張志林因在溝內不得地勢卽搶  
上左面山梁匪衆竟敢直前攻撲我兵儘力下

壓鎗斃賊匪二百餘名生擒楊紹宗等二十八  
名該匪等因不能竄出安縣卽向羅家屋基奔  
竄欲赴石泉適百祥薛大烈兩路官兵於初九  
日正由此路進發賊匪一見亡命折回我兵奮  
力趕剿由石泉麻涇土橋子追殺四十餘里直  
至徐坪壩斃賊三百餘名百祥等恐徑行窮追  
賊由中壩場闖入綿州大路未免散漫卽漏夜

覓道繞赴中壩賊知前路有兵初十日又向閭

子山老林翻山而遁欲奔江油維時臣正由桂

溪一帶旋探旋進得信後卽親督阿哈保叅將

張績遊擊安定邦李光晟等帶領馬步官兵馳

往迎截至紫竹埡地方正值大夥匪衆翻越埡

口並有在對面山腰行走者當被我兵截爲兩

段乘勢衝擊殲斃及滾巖落澗者三四百人生

擒易奉等一百四十三名於剗獲首級內認出  
襄陽賊目李掌櫃張進才等二名至對山之賊  
見堽口之賊全被我兵殺散亦卽率衆狂奔復  
經阿哈保帶領馬隊盡力窮追又斃賊一百餘  
名臣派人四處搜山聲喊投出免死隨有自行  
棄械投首及逃出被脅難民大小男婦八百七  
十五名口卽給票省釋並有自願留營出力立

功者另當相機酌辦該匪等經此痛剿不能竄

出川西又復由扇鐵溝遁入老林該處路通重

華堰並青川白水等處臣飛飭百祥薛大烈由

中壩取道繞出賊前分截梓潼昭化之路臣與

阿哈保卽由青川一帶進發詎該匪等狡獪異

常十三日復由蓋山坡折向舊州一路奔逸該

處爲運糧後路臣卽連夜發兵堵截賊卽向好

溪一帶直奔白水萬一由此過河卽係陝西之

陽平關白馬關等處非竄畧陽卽奔寧羗實屬

大有關係

臣

連夜督兵追躡十五日由青川行

至蕎庄已有一百三十餘里探知薛大烈之兵

已從雁門壩小路至白水截住去路賊匪又分

兩股折竄一走上馬坊一走李子壩

臣

於十六

日督率馬步官兵由蕎庄直趨上馬坊一路迎

擊詎該匪探知前後有兵又從黃土嶺翻越數  
重大山向碧口一路奔逸當卽知會日祥薛大  
烈兩路分追據報匪衆於是晚直抵碧口經前  
派防守此路之都司恒慶並官弁兵勇協力守  
禦鎗斃賊匪多名該匪不能由碧口搶渡卽由  
讓水河范家壩一路奔逃查該處一帶距文縣  
不遠聞廣厚在彼帶兵防堵先經專札知會昨

接該司來稟知各要隘俱派重兵嚴防布置極  
爲周密現又飛札囑其實力堵禦並相機兩面  
夾擊至此次官兵連日打仗都司保德中鎗陣  
亡又吉林披甲花連保右腿受傷一處較重革  
什咱土都司扎什右膀受鎗傷一處其餘傷亡  
兵勇無多容俟另行查明咨部辦理

勒保又奏言查本年正月十五日賊由定遠縣



屬石板沱地方竄過嘉陵江經魁倫奏請將定  
遠縣知縣孫熙汎弁外委把總米廣一併革職  
卽在該縣河干枷號俟軍務告竣再行發往軍  
臺効力贖罪欽奉

諭旨以魁倫所擬罪名殊屬輕縱交德楞泰嚴行查  
辦嗣因福寧向托津呈出定遠縣裁減鄉勇案  
據經托津據實具奏奉

旨交

臣

會同德楞額秉公查審定案茲據藩臬兩司

將孫熙米廣委員解至軍營

臣

親加訊問據供

該縣於去年六月間係奉達州總局札飭以距賊漸遠議撤緝勇並非另有福寧專札嗣後本未添設亦未奉有魁倫通飭防江之文至賊匪渡江實係扮作官兵來至東岸於夜間覓水過來殺死渡夫二名搶船竄渡維時西岸居民猝

不及防龍女寺中本有會首等在寺飲酒過節  
實非因頑燈引致過江等語並據孫熙呈出文  
札等件均與福寧抄呈案據相符其所供搶船  
過渡情形卽訊之前獲首逆汪瀛亦屬無異是  
上年六月間定遠之裁撤鄉勇原因賊離甚遠  
地方寧靜自應暫撤以節糜費迨賊又竄到川  
東離江較近魁倫並未預行籌備通飭防堵自

不得諉罪於福寧似毋庸令福寧來營質訊孫  
熙米廣平日既未能預防臨時又不能實力堵  
禦咎實難辭但究因未經奉文嚴防添設鄉勇  
之所致應請仍照魁倫原擬卽在該縣河干柳  
號俟軍務告竣再行發往軍臺効力贖罪以昭  
炯戒云云賊匪由太和鎮上游王家嘴地方踴淺  
渡河亦經魁倫將疎防文武查叅欽奉

諭旨交

臣

再行究訊查太和鎮一帶自賊竄過嘉陵

江之後先派都司睦隆安帶兵在彼防堵恐兵力不敷又派遊擊王之鑑帶兵前往協防睦隆安在太和鎮下游十里之打鼓灘駐守王之鑑則在太和鎮並上游之古井口分兵駐劄王家嘴又在古井口上游約有七里其自古井口起至茨竹灘止另派叅將張續帶兵防守嗣因賊

匪竄近鹽亭需兵救援魁倫親寫手字令百祥  
薛大烈將沿河所安兵勇一併帶回又經魁倫  
專差持令卽將張積所帶兵勇全行撤回大營  
是以王家嘴地方實祇有團首文大魁等帶領  
團勇一百五十名在彼防堵並未另派官兵亦  
未有責成專管之員惟令建昌道劉清在潼綿  
一帶團集鄉勇統率巡防王家嘴並非該道之

所專管劉清曾因太和鎮以上淺灘要隘鄉勇  
究難足恃稟請魁倫添兵未經批准三月十八  
日二更時賊匪在該處踴淺過河文大魁率勇  
抵禦寡不敵衆被賊殺死團勇八十三名帶傷  
六名業經查訊屬實維時遊擊王之鑑通判連  
彭年聞信雖帶兵勇馳往堵禦因賊匪全已過  
河衆力絀揆兵勇丁役多有傷亡連彭年右腿

亦受矛傷均各退回此魁倫將派防王家嘴一路官兵撤回僅留團勇守禦又未派員專管以致賊匪竄渡之實在情節也魁倫前叅王家嘴地方係專派遊擊王之鑑所管段落之處亦屬不實查王家嘴雖非王之鑑專管但該處與古井口相距甚近旣未預爲嚴防臨時又不能奮力擊退踈玩實所難辭應請將王之鑑卽在太



和鎮地方枷號半年發往伊犁充當苦差連彭  
年係屬文員且經身受矛傷應請發往伊犁効  
力贖罪劉清係總巡之員業經遵

旨革職應請留於軍營令其立功自贖都司睦隆安  
本在太和鎮下游駐防非王之鑑可比知縣符  
元魁防守城池相距王家嘴五十餘里平日頗  
得民心革審之後該處土民紛紛赴臣軍營具

呈乞留均請照劉清之例一併革職留於軍營  
効力遊擊鄭啟貴於十六日由金山驛奉派赴  
射洪一帶協防十八日甫抵射洪賊匪已於是  
夜由王家嘴過河應毋庸議其陣亡兵勇丁役  
人等容俟另案咨部議卹

勒保又奏言查七十五打仗素稱勇往前年九  
月間同臣一路在祖師觀山梁親督兵勇直抵

卡隘七十五右腿猝受鎗傷當經奏明令其就  
近赴夔州調養嗣各股賊匪常在夔州一路往  
來奔竄七十五在彼並未因傷推諉仍不時親  
赴蓮花池等處督率堵剿該處民情甚爲感頌  
去年七月間知其傷雖漸痊而行走乘騎尙未  
能照常便捷因剿賊緊急

臣

卽與商令帶兵七

十五立卽前來剿賊於八月內生擒首逆龔建

嗣又在川東一帶連獲勝仗臘月二十三日在  
柴水壩麂子坪地方進剿張子聰雷世旺一股  
匪衆右腿又受矛傷經額勒登保奏明有案旋  
又派赴大寧布置卡隘堵賊竄楚之路維時七  
十五右腿既受新傷而腿肚舊傷旋發本年正  
月初六日行至寶塔地方傷發較重仍勉強前  
行亦經報明額勒登保嗣接魁倫咨調卽坐兜

輜帶兵前來行至順慶實難行走經魁倫咨令  
暫留調養旋又遵

旨赴重慶守禦是其所稱傷發之處實非捏飾自應  
遵

旨令其進京惟據七十五聲稱身爲滿洲世僕受  
恩深重當此軍務尚未告竣正應奮身圖報之時斷  
不敢因傷發未痊卽圖回京安逸情詞甚爲真

切不可暫留七十五在營一面調養傷痕俟痊  
愈後再令帶兵剿賊之處出自

聖恩均奏入

上命軍機大臣傳諭德楞泰勒保曰此次勒保奏督  
兵進剿竄匪截住川西陝西各要路痛殲賊衆情  
形所辦尙好如果屬實所剩之賊甚少自易辦淨  
所有擊敗賊匪現在黃土嶺翻山向讓水河范家

溯一路奔逸距甘省文縣不遠賊匪等若竄入平  
衍地方則地勢散漫剿捕轉難得力今文縣一帶  
有險可扼正可乘勢截殺該處有廣厚帶兵防堵  
自可兩面夾擊賊匪無從奔竄勒保務須乘賊匪  
窮蹙之際奮力進剿將高二馬五等逆速行撲滅  
萬一賊匪竄入甘境勒保係川省總督固無庸越  
境窮追但必須酌派兵將躡蹤兜剿或分兵一半

卽派阿哈保帶領前往截剿務爭根株所有打仗陣亡之都司保德著咨部賜卹其得受鎗傷之吉林披甲花連保著賞給金頂領催倘因傷重身故卽照金頂領催陣亡例咨部予卹革什咱土都司扎什勝被鎗傷著以應陞之缺陞用以示鼓勵其餘打仗出力員弁統俟龍安竄匪剿辦完竣一併奏明候朕分別加恩又據奏查明賊匪竄渡嘉陵



江潼河疎防各文武分別嚴審定擬一摺此案太和鎮一帶原有分派防守官兵嗣經魁倫因賊匪竄近鹽亭卽親寫手字令百祥等將沿河兵勇一并帶回並專差持令將張績所帶兵勇全行撤回大營以致該處無兵堵禦魁倫實屬罪無可追所有勒保奏到魁倫原信及批稟應俟魁倫解到詰訊外至劉清在潼綿一帶巡防時曾因太和鎮一

帶淺灘要隘鄉勇難恃稟請魁倫欲留貴州新調  
兵丁未經批准而賊匪旋即由太和鎮踞淺過河  
是劉清先能見到其咎尚有可原且伊平日居官  
能得民心著加恩以知縣補用如此後仍能奮勉  
出力著勒保據實保奏至遊擊王之鑑於賊匪搶  
渡王家嘴地方雖非專管但伊駐紮之古井口相  
距甚近既未預爲嚴防又不能奮力擊退實屬疎

玩著照擬枷號半年俟川省軍務辦竣再行開枷  
發往伊犁充當苦差其通判連彭年究屬文員且  
經身受矛傷著照擬發往伊犁効力贖罪知縣孫  
熙及其餘疎防員弁俱著照所擬辦理前此賊匪  
踴淺過河圍首文大魁所帶鄉勇因寡不敵衆被  
賊殺死八十三名俱著咨部賜卹至七十五在川  
既據勒保查明帶兵打仗尙能認真所稱傷發驗

明屬實卽照所奏仍以提督銜准留軍營養傷如  
傷痕平復聽候勒保派委何路帶兵卽前往何路  
剿賊自効現在不准給予分例至川省從前嘉陵  
江防守不嚴皆係魁倫任內未經預爲通飭其沿  
江地方官姑免追究此後則係勒保專責倘川北  
川東賊匪被德楞泰剿急或又竄渡嘉陵江以西  
則勒保無可辭咎務須督率嚴防預爲布置切勿

因循貽誤致干重戾

欽定剿平三省邪匪方略正編卷一百七十八

庚申年

五月初一日

壬午

德楞泰奏言

臣

等於燈草壩追

剿藍號等逆當由開縣趙家場前進沿途日有

斬獲該逆被剿情急遂分股牽綴我兵一竄雲

陽一竄梁山忠州正在分兵追剿據涪州鄧都

長壽江北廳沿江各州縣先後稟報劉朝選湯

思蛟股匪由鶴遊坪分竄江岸意欲窺伺大江

南渡

臣

查竄赴雲陽之賊所向多係老山箐林

其勢稍緩長壽涪州酆都一帶在在濱臨大江  
客商船隻往來不絕各州縣雖有防備恐不足  
恃前派總兵許文謨等兵力又單若無大兵剿  
辦設各股併合搶渡南岸完善之區肆其擄掠  
又復蔓延難制且藍號分股亦由忠梁而去酌  
其輕重先當以廓清江岸爲急因卽札飭許文

謨副將託雲泰遊擊李東山等帶領兵勇三千  
餘名徑由梁山忠州緊跟藍號賊蹤追剿

臣

正

在督兵向長壽一帶進剿途次探得賊匪劉朝  
選等聞官兵將到已向西北折竄因查詢道路  
如改道由隣水進發即可迎頭兜截十七日行  
抵該縣所屬之合流水地方接據探報該匪等  
率衆四五百人由江北廳屬之茨竹林一帶前



來其勢將入隣水界內十八日夜雨如注

臣恐

賊匪聞風先颺卽冒雨於五鼓帶兵由星拱橋  
進發已刻至七孔溪山梁遙見逆衆從高灘場  
而來該處山林茂密賊匪尙無準備我兵正可  
出其不意痛加殲殺當令賽冲阿溫春阿穆勒  
塔色爾滾李紹祖達勒精阿薩寧阿富僧德蘇  
勒芳阿馬瑜倭星額等帶領兵勇分伏於兩山

旁樹林內觀看賊匪蜂擁過溝上至半山官兵  
突出從上壓下勢如破竹賊匪大形潰亂我兵  
箭射矛戳登時斃賊四百餘名並有棄械跪求  
馬前者三百二十六名當卽給票釋令歸業其  
敗竄殘匪經兵勇極力追殺墮落溝澗死者不  
計其數生擒向吉秀張周氏等男婦七百七十  
八名口兩勢愈大官兵緊追至江北廳屬之秦

家場沿途又殺賊三百餘名生擒余志俊陳姚氏等男婦三百六十三名口渙散者甚多餘匪不過千餘人翻任家壩新店子向岳池廣安交界遁逃隨卽委員研訊各獲犯內有大竹縣差役張禮夏魁供出該縣張位中被害係軍師何上達截死並據層有華汪國忠等亦指認何上達係營中總管又認出探馬頭周仁乾並戰手

探信各匪犯劉廷偉等二百零二名何上達始  
猶狡賴經衆質証俯首無辭查該逆在營主謀  
慘殺良民戕害職官肆行荼毒實爲罪大惡極  
臣卽令繕寫陣亡大竹縣知縣張位中牌位委  
知縣喻日泗前往將該逆凌遲致祭以彰

國法而慰忠魂軍民無不稱快其餘匪周仁乾等  
二百零三名概予駢誅擒獲各犯多係附近州

縣被擄之人仍給銀米路票並良民旗號按籍  
遞遣歸業查劉朝選等率其餘匪竄向岳廣勢  
必徑趨大竹等處若大兵全行跟躡而去則許  
文謨現追藍號之賊據稟已擾至忠州皮家廟  
箐口地方距江岸亦不甚遠若一時不能得手  
恐沿江倘有疎虞所關尤重臣現卽酌派總兵  
李紹祖副將侯星額遊擊楊國林等帶兵勇三

千餘名緊跟劉朝選等賊匪追剿並卽飭知許  
文謨仍跟藍號賊蹤臣帶領大兵卽取道忠州  
一帶探查賊匪現向何處冀與該鎮兩面夾擊  
或可盡數剿除奏入

上命軍機大臣傳諭德楞泰曰此次德楞泰督兵追  
剿藍號等逆因劉朝選湯思蛟等匪分竄江岸意  
欲窺伺大江偷渡隨飭總兵許文謨等帶兵由梁

山忠州緊跟藍號賊蹤追擊德楞泰卽於隣水進發將劉朝選等乘勢剿殺冒雨追擊先後斃賊七百餘名生擒男婦千餘名復經兵勇曉諭棄械投出者三百餘名並究出前此戕害知縣張位中之僞軍師何上達凌邊致祭並將被擄民人分別遞遣歸業所辦俱好此次捷報馳到正值五月朔日著賞給德楞泰香囊扇袋荷包以示恩眷並發去

香囊三十個著交德楞泰賞給軍營出力之侍衛  
官員等至德楞泰因劉朝選等賊匪欲圖窺伺大  
江先以廓清江岸爲急隨卽帶兵追剿其辦理緩  
急機宜朕亦不爲遙制惟劉朝選等餘匪千餘仍  
未辦竣向來各路官兵每因剿辦一股未能剿淨  
任餘匪竄入深山老林蓄養休息旋又裹脅多人  
分路肆擾卽如劉朝選敗散匪黨此時雖不過千



餘人將來潛出滋擾又將隨處裹脅自必不止此數是此股賊匪雖經剿殺而旋散旋聚餘孽復萌或致又成大股與未經剿殺何異德楞泰剿辦川省賊匪務須將所剿一股悉數殲除再將別股以次撲滅方不至蔓延爲害此次官兵冒雨進擊並分伏山旁乘勢截剿實屬勞苦出力但此股賊匪究未剿竣未便卽子恩施所有出力各員弁著德

楞泰行記俟將來大獲勝仗時一併保奏候朕酌量加恩前據德楞泰奏稱川東川北賊匪共有九股現在劉朝選等一股是否卽在九股之內其餘賊匪俱在何處竄擾尙有若干雖賊蹤或分或合往來無定而大概賊股情形自可約畧而計並著德楞泰查明具奏德楞泰身任成都將軍川省剿辦事宜皆其專責惟糧餉供支團練鄉勇則爲勒

保專辦之事德楞泰務當悉心籌辦並遵照節降諭旨裁減疲病無用之弁兵撤令各歸營伍至召募鄉勇一項最爲有名無實其雇募之費旣較兵丁得項爲多且一經離鄉卽不爲勇若令隨征打仗焉望得力而伊等遠離鄉里或聞其本住村莊被賊滋擾未免心存惶惑轉致搖我軍心是雇募之不若團練遠甚德楞泰當與勒保會商妥辦並

著德楞泰於經過各州縣卽飭令一體上緊團練  
俾賊匪逃竄地方處處皆有團勇截拏最爲目前  
要務昨曾有旨諭令川省當以本省之錢糧供本  
省之軍務不必再言請餉原以各路軍營剿賊無  
效惟知專以請餉爲事不得予以限制若伊等  
果能將賊匪漸次剿除辦有端緒卽尙需餉項接  
濟自當酌量發給昨已諭令德楞泰裁撤無用弁

兵其原募之鄉勇等雖未能概行裁撤亦當查明酌加減汰此後不可再有增添其所省虛糜餉項卽可留爲蓄養精兵之用如此則一月餉銀卽足供支兩月兩月餉銀足支四月豈不事半功倍乎德楞泰總應與勒保將川省各處賊匪通盤籌畫應剿應堵併力一心以期成算在胸尅期蕝事一俟川省賊匪全行辦竣卽酌派李紹祖等帶領現

兵前赴陝省協剿德楞額泰不必前往也

同日姜晟奏言本月十八九等日據道員恒慶知縣孔繼楨等先後稟報初六日楊開甲一股賊衆萬餘由陝省鎮安縣竄撲鄖西蒿坪埡隘卡兵勇排列迎堵頗有殺傷賊匪捨命攻撲致被衝破守備修永宏力戰被戕練義各勇均有傷亡恒慶因負夜往來山中墜馬跌傷左腿退

駐一天門孔繼樞亦由漫川關率帶練義各勇  
趕至一天門攔截初八日馬步賊萬餘人直前  
攻撲孔繼樞督同練勇截住殺賊數百人賊衆  
闖入關防鋪適將軍恒瑞帶兵追至初十日紮  
營一天門現在孔繼樞等督率兵勇隨同恒瑞  
由關防鋪一路進剿查楊開甲大股賊匪前據  
孔繼樞等稟報先經恒瑞在商州剿散分股竄

近漫川關當卽督派二六勇設伏堵擊殺賊六十

七名

臣

以賊情狡獪正飭嚴爲防範今復合股

踵至致被衝卡竄入寨深愧憤幸恒瑞跟蹤追

截該處兵勇見有大兵接應恃以無恐照常堵

剿而長沙協副將滿倉先經明亮等派帶官兵

一千名計已到卽會合至明亮等剿辦各股賊

匪其黃白號樊逆等一股業經孫清元截殺窮



追遶竄陝省洵陽縣境轉逆等一股亦被宜郡  
兵勇追擊奔赴川省大寧縣境現止青號一股  
自前月在穀城石花街痛剿之後奔竄南漳宜  
城保康一帶苟延殘喘明元等連日緊蹙進截  
王凱孫清元亦各帶兵勇前往合剿如果計日  
掃除明亮即可移師前赴郢西與恒瑞會剿其  
原調粵西兵二千名昨准撫臣謝啟昆咨業已

分起陸續起程

臣

復又飛檄傳催計其齊到軍

營則兵威壯盛自可早靖妖氛奏入

上命軍機大臣傳諭姜晟日前因完顏岱奏稱青號

賊匪竄至宜城小河口一帶滋擾湖北並無派防

官員朕卽以彼處堵禦之事並未認真辦理今楊

開甲賊衆一經竄撲卽西該處守卡官兵卽皆受

傷衝散可見該處堵禦事宜全未妥協佈置姜晟

係本省總督豈專坐省城辦理尋常案件及軍火糧運等事竟置防堵要務於不問乎且現在倭什布係該省巡撫明亮亦係該省總兵以本地文武大員辦理本地軍務尤應彼此協力同心肅清楚境並遵照前此諭旨實力團練鄉勇以資堵禦况現在該省止餘徐添德一股賊匪爲數無多姜晟明亮倭什布等如果激發天良將此股賊匪尅日

滅除擒獲首犯該省卽屬無事之區又有何軍需  
專賴姜晟坐辦耶

同日吳熊光定住奏言現據探報鄖西大股賊  
匪十入日仍竄至蒿坪壩大小心川十九日到  
一天門二天門在蒿坪壩之西恒瑞等帶兵跟  
剿額勒登保等亦隨後前進似可不至東竄豫  
省西南一帶仍宜加倍嚴防從前浙川縣與商

南邊界惟於富水關青山安駐官兵其荆子關以南將及三百里因鄖西鄉勇素稱壯健屢次將賊匪擊退浙川西南一帶藉鄖西爲屏障向未駐兵此次賊匪闖入鄖西該處鄉勇傷折頗多其氣已餒驟難深恃現在固須重兵防禦況陝西商雒以西皆係崇山峻嶺東西千有餘里南北六百餘里目下賊匪股數甚多折竄尤易

卽如春間逆匪等先竄往甘肅距河南邊境不下二千里一經官兵追剿旋復竄近商雒此次山東官兵調派已將一月日內甫經到齊是臨期徵調實屬緩不濟急且查直晉東省兵丁多係新募其鳥鎗等項技藝均屬生疎又不善走山路是以山西兵丁曾經額勒登保台布等奏請停調昨那彥成來信亦以直晉等省兵丁且

留豫省防守不必遽令赴陝是此三省兵以之

剿賊實不得力以之駐守尚可藉壯聲威

臣等

冉四商酌前次兵丁三千名似應暫留豫省邊

界交

臣等

一面督同該管將弁勤加操練既於

防守有裨而技藝漸臻嫻熟俟陝省江北肅清

豫邊無需多兵卽交

臣

定住帶領酌量前赴陝

楚協剿亦屬有益至湖北青號賊匪尙在南漳

縣屬之劉家集等處竄擾楚省官兵由漳城進  
剿距江岸稍遠已飛飭臬司完顏岱等督率兵  
勇於襄江北岸嚴密巡防不敢稍任疎懈再賊  
匪現在南山中往來奔竄日前竄近離南及此  
次甫經關入鄖西時該處距豫邊不遠經畧額  
勒登保來信以賊匪萬一不能截住需用軍火  
軍糧及馬匹等項切勿遲悞不得不預爲籌備



而直東晉三省兵丁仍須暫留豫邊防守需用

尙多

臣

一面札飭馬慧裕倍加撙節並令通盤

籌畫如前項餉銀尙有多餘再行據實奏明撥  
解隣省濟用

吳熊光又奏言

臣

欽奉

諭旨令將河南邊境一帶防守文武員弁查明實在  
出力者據實具奏伏查豫省西界商雒二郡入

百餘里皆係大山南連安襄鄖三屬江岸千有  
餘里段落綿長此次狹楚賊蹤紛竄逼近豫界  
均經官兵常川駐守晝夜嚴防未敢肆行竄越  
除鎮臣田永桐常林臬司完顏岱俱係大員不  
敢奏請

加恩外所有防堵出力各文武員弁謹分別等第開  
單恭呈

御覽可否量予議敘之處出自

皇上天恩均奏入

上命軍機大臣傳諭吳熊光定住日郎西大股賊匪  
仍折竄蒿坪壩一帶其另股賊匪已向五郎一帶  
西奔自可不致東竄但賊匪靡定豫省西南邊界  
仍當督飭官弁實力嚴防至各省新募兵丁有名  
無實遇有調派輒將有用之兵留於本省先儘新

募者撥給祇存爲已之見全不以軍務爲重現已  
降旨飭諭今直晉東三省調到之兵旣以剿捕不  
能得力留彼何益若用以防守則與募用之鄉勇  
何異況別省無技藝之兵又不如本省之鄉勇本  
省隔屬召募之鄉勇又不如本地之團勇而兵旣  
留豫卽須給予錢糧又何值以餉項養此無用之  
兵徒滋糜費乎吳熊光試思與其代人揀兵孰若

自訓營伍卽豫省官兵他省未必有徵調之事然  
兵事總須有備無患萬一隣境調撥豫兵若亦如  
直晉東三省之兵丁全無足用豈非舍已田而耘  
人之田乎著吳熊光等酌量情形如河南竟可毋  
需此項兵丁卽當全行撤回令其各歸原省倘防  
堵邊界尙須兵力協助亦應於調到兵丁內挑擇  
可用者各酌留數百名餘俱令回原省以節糜費

至所稱陝省江北肅清後如豫境毋需多兵定住  
卽帶赴陝省協剿一節此更不可定住帶兵素有  
節制朕亦深知但亦須伊平時訓練本標之兵交  
伊帶領方能有濟若將別省新募之兵令其帶領  
剿賊焉能制勝前此軍營中往往有因兵不顧將  
以致挫衄失利者豈可不慎之又慎耶如果定住  
急欲自効不妨俟豫省防堵不甚喫緊之時伊自

行前赴陝楚軍營內額勒登保明亮等另派健兵  
交其帶領協剿庶可以資得力至前撥餉銀五十  
萬兩豫省現在需用自當留貯但現在楚省竄匪  
離豫已遠該省不過邊界防守亦可無需多費吳  
熊光務須倍加撙節如可多有存剩仍應酌量撥  
解他省卽不能敷餘亦當儘此餉項節省支用不  
得再請添撥

上諭內閣曰前因豫省邊境防堵嚴密降旨令吳熊  
光查明實在出力各員據實具奏茲據分別等第  
開單奏到其尤爲出力之知州單可垚著賞給同  
知陞銜遊擊李正品都司楊景芳均著賞戴花翎  
守備黃文錦千總劉寅清均著賞戴藍翎以示鼓  
勵其餘文武各員并著照該撫所開等第交部分  
別給予議敘



上命軍機大臣傳諭胡季堂伯麟惠齡曰徵調兵丁  
原以剿捕賊匪乃各省遇有調撥輒將有用之兵  
留於本省而以新募之兵充數撥給並粉飾其詞  
盡云兵精械利其實皆係空言此弊起自今春各  
省不約而同祇存爲己之見全不以軍務爲重卽  
如前此額勒登保那彥成曾稱直晉東三省官兵  
怯懦無用嗣經朕降旨添調各兵伊二人覆奏之

摺惟遵旨將甘涼官兵卽行調撥而於直晉東三  
省之兵不復提及仍寄信吳熊光令其留豫防守  
不必赴陝在伊等之意亦恐此三省之兵旣經調  
陝多糜餉項徒有添兵煩費之名而打仗全不得  
力是以不肯檄調而吳熊光亦稱該三省之兵於  
征剿無益可見該三省於召募新兵全未認真訓  
練胡季堂伯麟久任直隸山西督撫著傳旨申飭

其東省之兵係惠齡未經到任以前先行調派尙  
非惠齡之過此後訓練事宜是其專責直晉東三  
省爲京師屏翰自應將勇兵強作王畿之捍衛今  
皆如此怯懦無用尙復成何政體朕先引咎自責  
未知三省管兵諸臣亦知愧否現已令吳熊光將  
原調三省兵丁酌量撤回各該督撫務須實力操  
演俾成有用之師倘仍前懈怠或再遇檄調不能

得則則惟執法重懲該督撫耳

初五日

丙戌

明亮倭什布奏言查徐添德大股賊

匪於南漳武安堰等處被剿後分爲二路乘夜

狂奔一由丁家集竄至襄陽之尹家集歐家廟

一由馬家營朱家嘴奔赴宜城之小河口一由

孔家灣直趨鍾祥麗陽一帶且倚恃賊馬甚多

四路派撥馬探分投滋擾既可牽綴官兵又圖

乘機搶渡漢江情形極爲可惡臣等隨由捷徑

抄至宜城截剿襄宜之賊又派總兵孫清元叅

將吉林泰率領官兵由新店麗陽一帶緊躡前

進相機兜截詎襄宜之賊見官兵趕到又見漢

江北岸有河南臬司完顏岱帶領兵勇用礮轟

擊勢難偷渡遂紛紛向東奔竄似有下趨麗陽

之勢臣等若緊躡追襲賊必直前狂奔轉致逼

入荆門荊州一帶倘由別路抄截設賊匪回竄  
襄郡竟無攔阻亦屬可慮況宜城沿江上下均  
有淺灘更難保無乘虛搶渡之事是以再三商  
酌卽在宜城向陽洲適中地方遏其偷渡要路  
一面飛飭孫清元等抄赴賊前迎頭截擊如果  
賊勢回折臣等卽可迎前兩面夾攻較易得手  
且查各營兵丁自正月至今節次追賊打仗烏

鎗等項器械多有損壞亦可於襄局就近調取  
更換以利軍行茲孫清元一路官兵於二月十  
五日行至胡家集探問賊匪俱屯聚斑竹舖佔  
據山岡之上該鎮於二十六日五鼓抄至麗陽  
驛繞山賊前當派遊擊全祿都司毛秉剛帶領  
官兵由左手山梁而上遊擊孫應奉守備韓瑛  
帶領官兵由中路前進都司姜元祥守備金洪

翻由右手山梁而上並派竹山竹谿鄉勇亦分  
左右兩翼進發五路兵勇如牆競進叅將吉林  
泰帶領各營有馬官弁二三十人由中路首先  
衝殺孫清元率各路兵勇往來策應賊匪分投  
蜂擁迎敵兵勇人人奮勉鎗箭齊發擊斃多名  
將賊壓下山溝隨將迤東一帶山梁搶佔賊匪  
傾隊而來三面圍攻連撲數次均被我兵奮力



壓下斃賊甚多正相持間忽有騎馬賊匪三百  
餘人暗由山溝繞至我兵之後欲圖從後衝突  
當經吉林泰帶領騎馬官弁馳至平坡鎗箭齊  
發擊斃馬賊十餘名餘俱慌亂又被孫清元率  
領弁兵乘勝追壓殲賊百餘名生擒三名時已  
將晚我兵剿殺竟日督令紮營當提獲犯訊無  
要供隨卽正法兵勇亦間有傷亡查明另行咨

部現在各賊俱出荆門之石橋一帶奔逸該鎮  
已帶領官兵跟蹤追往相去襄陽較遠似無回  
竄之虞下等現在馳赴前途與孫清元等或分  
或合臨時相機辦理總期不使下竄潛江擾及  
荆郡此時廣西官兵將次到楚現在飛行前途  
催令迅速來營趕緊籌佈停妥以冀就地撲滅  
至鄖西竄賊現據道員恒慶來稟先經將軍恒

瑞紫躡截擊續經額勒登保等督同楚省兵勇  
分投攔截已由朝陽溝出境

臣

等現又嚴飭恒

慶等齊集原有兵勇協同前次派出兵一千名  
加嚴防堵毋使再有闖入所有續經派往之光  
化鄉勇一千六百名究非本地土著誠恐日久  
不能得力現令裁撤歸農以節糜費再前派分  
駐襄陽均州之荊州滿兵一千名茲賊氛離襄

較遠轉與荊州相近

臣

等業令由水路順流直

下趕赴荊州實力防範以冀有備無患奏入

上命軍機大臣傳諭姜晟明亮倭什布曰楚省竄匪  
前此共有三股其苟文明鮮大川一股先經折竄  
川省大寧而樊人傑一股亦經孫清元追剿至陝  
省七里關敗遁遠去惟餘徐添德一股經明亮等  
合力剿辦任其分爲三路輾轉竄擾此次雖在胡

家集地方截殺亦未能痛加殲戮復任竄近鹿陽  
一帶勢必沿途襲脅日聚日多何時始能剿竣官  
兵追捕賊匪全在能堵而後能剿屢經降旨諭示  
並令姜晟團結練勇擇要分佈堵禦事宜是其專  
責姜晟自應酌量情形移駐近賊處所親身督辦  
豈有安坐省城專辦地方事務之理至於剿賊機  
宜明亮久歷戎行素爲熟悉姜晟倭什布自不如

明亮之諳練現在明亮係屬總兵與總督階級雖殊但朕授明亮爲宜昌鎮總兵原以本省武職大員剿辦本省賊匪更可得力如果能剿竣賊匪自當另加懋賞姜晟固不可以外省總兵一律相待而明亮亦不可以總兵自居遇事推讓意存諉卸伊等惟當會同商辦於堵剿機宜先行籌定大局齊心合力務將徐添德分股賊匪悉數殄平方爲

不負委任卽如團勇一節原爲保護地方而設自以堵禦爲重然遇見賊匪竄近之時必當乘機截殺斷不可專以防守爲重至帶兵剿賊自應盡力奮擊若不預行設法攔截惟事跟蹤尾追東馳西逐則動爲賊匪牽制徒疲兵力專以堵賊之事委之團勇焉能集事姜晟明亮倭什布等惟當悉心籌辦截其去路勿令竄近荊門州及荊州附近地

方亦勿令再行折竄襄陽現在明亮等將派出鄉  
勇擇其不能得力者裁撤歸農所辦甚是卽官兵  
內如有疲病無用者亦當酌行汰減節省錢糧以  
供有用之官弁兵勇至廣西之兵先經明亮飛催  
此時諒已抵楚明亮等卽可帶領剿賊其廣東官  
兵若尙須接濟亦卽催令迅速赴楚酌量留用倘  
無須此項兵丁仍聽自行按程行走此外更無可



調之兵明亮等務當儘此兵力趕緊剿辦將籌辦  
大局情形先行會奏

同日廣厚奏言

臣

接據探報川省竄匪經勒保

分兵追剿緊急由舊州東竄蕎莊碧山溝一帶

與文縣玉壘關相近

臣

隨飛飭駐防玉壘關守

備王懷吉署千總徐保善速將該處渡船拉至

北岸嚴防偷渡並派令知州徐學采千總杜洪

才把總開殿魁帶兵一百名先往巡查

臣

率同

知州胡紀謨遊擊陳五輯領兵四百名卽赴玉

壘關接應十八日二更時有賊匪四人至玉壘

關見水欲搶渡船經王懷吉徐保善瞥見俟其

將近用鎗擊斃賊知玉壘關有備卽由讓水河

翻山於次日午刻從銅廠溝竄至左家壩約有

二千餘人在對河砍伐竹木紮筏十餘座潛圖

過河適徐學采杜洪才關殷魁帶兵先到用鎗  
擊打賊匪亦隔岸放鎗抵拒並有賊百餘人下  
河撐筏我兵奮力迎擊斃賊二十餘人賊仍相  
拒不退

臣

督兵趕至鎗箭齊發又斃賊三十餘

人賊始從五家溝翻碧罩山向西奔竄有逃出

難民張孝王自法等二十三名隔岸呼號

臣卽

令擺渡過河查明實係被脅民人俱給路照錢

文釋令回籍隨據差報賊匪向石磨河一帶老  
林折竄該處層巒疊嶂密菁深林且山徑叢雜  
勒保已由范家壩一路緊躡前進恐該匪仍向  
文縣覓路奔竄臣於各要隘嚴堵不使賊匪開  
入並相機與勒保兩面夾擊以期迅速殲除奏  
入

上命軍機大臣傳諭廣厚曰川省竄匪由舊縣東趨

竄近文縣之玉壘關欲圖搶渡經守備王懷吉等  
用鎗擊斃兇水賊匪賊卽由讓水河等處翻山折  
向西竄所辦尙好向來各路軍營往往一見賊匪  
卽先行施放鎗礮以致遠不能及迨賊匪逼近而  
火藥業已用盡最爲惡習今王懷吉等於賊匪將  
近時始行用鎗擊打方爲得當以後均當如此現  
在餘匪已向石磨河一帶老林折竄有勦保由范

家壩一路躡蹤進擊難保賊匪不又向文縣覓路  
奔逃此時陝省各股竄匪相距甘境已遠廣厚自  
可無庸兼顧惟當督率官兵專防高二馬五一股  
竄匪於要隘處所實力堵禦果能處處攔截遏其  
去路則勒保帶兵追擊自可得力將來此股賊匪  
剿淨廣厚亦當一體仰邀恩獎倘防堵不力或任  
賊匪復又竄入文縣境內則疎防之咎責有攸歸

廣厚不可不倍加奮勉也

初六日

丁亥

台布奏言竊

臣

連日親往各卡相度

地勢索費英阿汪啟兩鎮汛地雖屬綿長然間  
段安設兵勇已足聯絡惟長春所轄之苦竹街  
距營一百五十餘里一路盡屬大山石壁嶙峋  
其間大溝四道小溝不計其數在在可以竄出  
欲擇一擊卡之所安設數十人亦無其地不特

無兵可防有兵亦難駐足因與長春熟計惟有  
多撥探勇校織偵視以期隨時得信而南路城  
固洋縣逼近漢中平原

臣

既不能分身前往與

督臣長麟提臣王文雄再四札商該提督業由

新集移師城洋連界之漢王城西顧漢中南顧

西鄭遙張聲勢長麟接到

臣

信亦飛飭山西泉

司文需厚集鄉勇於江岸嚴防是西南兩路已



爲周密現據各路稟報戴家營一股折竄洋屬之茅坪距江口雖有三百六七十里但一味株守兵力必闕而生怠因派令長春酌帶兵勇馳赴平定關扼其來路仍遠近分探一有信息迎頭攔截其伍金柱等大股被經畧等痛剿捨命狂奔衝破鄖西卡隘已至鄖西之上津地方額勒登保等跟蹤追往長麟亦已移赴商州紫雲

豫省門戶其楚匪樊人傑王朝賢一股由湖北  
竹谿竄近陝省平利先據該縣稟報

臣

以總兵

慶溥臬司溫承惠帶領兵勇距縣尙近飛飭實

力防剿並令額爾亨額帶兵於紫陽之任河上

下來往巡查自前月三十日起至本月初八日

慶溥溫承惠督同副將李逢春遊擊張世儒等

分路追剿晝夜接仗殺斃及滾巖跌斃賊匪並

救出被裹難民奪獲牛馬驢騾鎗矛均屬不少  
額爾亨額帶同侍衛將弁署紫陽令張占督率  
鄉勇又於江岸截殺不令搶渡賊始翻山奔竄  
未入陝境現仍飛飭該總兵臬司嚴密防範至  
總兵札勒杭阿原在陽平關駐守緊防川匪此  
時姚家渡左家壩等處可以淌渡者共有九處  
該鎮已於適中之白水街住紮本日據寧羌州

稟報川匪竄至甘肅文縣之碧口鎮石嶺溝

臣

以長麟現往商州未能兼顧飛札甘肅藩司廣  
厚設法堵禦並嚴飭總兵札勒杭阿知州馮裕  
定分派兵勇於白水江之姚家渡青木川之分  
水嶺各據要隘嚴防勿任竄越奏入

上命軍機大臣傳諭台布日前據額勒登保等奏訊  
據獲賊供稱楊開甲股內止有伍金柱撥去戰手

二千名伍金柱並未到彼今台布奏稱伍金柱等大股賊匪衝破鄖西卡隘與額勒登保等前奏不符竟似伍金柱等大股又接續前往而細閱摺內情節台布探聽全未確切殊屬荒謬又樊逆一股前經孫清元追剿至陝省七里關敗遁遠去孫清元已歸併明亮一路剿辦青號賊匪今台布奏稱樊逆未入陝境是該匪既不在楚又不在陝豈陝

楚之閒另有一處地方爲樊六傑等逃竄之所乎  
至台布飛札廣厚堵禦川西賊匪尤爲鞭長莫及  
高二馬五在川西龍安地方奔竄經勒保帶兵截  
剿竄近文縣之玉壘關欲圖搶渡又經守備王懷  
吉等鎗斃賊匪多名已向石磨河一帶老林折竄  
昨已據廣厚奏到此股川西賊匪旣不能折回甘  
肅距陝境尙遠台布又非陝甘總督伊巡撫分內

團練防禦之事尙不能經理妥協何暇札知甘省  
藩司堵禦乎台布未經軍旅原不責以衝鋒打仗  
之事但團勇守禦係督撫專責惟當專心妥協督  
飭陝省地方官認真逐處團練由西而東漸逼漸  
緊使賊匪不能衝破卡隘以便額勒登保等率兵  
剿辦庶前有攔截可期兩面夾攻痛殲賊衆台布  
務須遵照節降諭旨將地方官應辦諸事悉心講

求認真辦理毋得因循疎懈

同日

上命軍機大臣傳諭各路領兵大員及陝甘四川湖北各督撫曰昨考試各省保舉孝廉方正內有湖南優貢嚴如煜疏陳平定教匪善後事宜並呈出平日所擬平匪條議如地方官查拏邪教大率由市井無賴造作訛言將平日奉佛信巫之人指爲



邪教拘拏牽累激成事端若州縣官果能秉公聽斷將無辜被陷者立予省釋挾嫌誣控者卽行懲辦則訛言旣息人心自安並愷切曉諭百姓有誤入邪教者一經改悔卽爲良民決不罪其旣往小民具有天良自必互相勸戒不致迷而不悟始終從賊又間諜之法亦兵家所常用此等教匪皆係一時烏合並非固結不解之衆難以離間但須與

賊相習者方可混入賊巢官兵打仗時拏獲賊匪  
數人或數十人卽盡膏斧鉞於賊匪大勢何損莫  
若貸其一死面爲開導令轉回賊隊乘間將賊首  
賊目殺害擒獻不特寬宥前罪并當賞給頂戴官  
職卽或不能亦可伺賊嫌隙從中搆譟使之各懷  
疑忌自相殘殺更可不煩兵力卽使所縱間諜去  
而不返亦屬無關緊要又用兵之道首貴紀律嚴

明領兵各員當諄切訓諭以臨陣退縮者爲軍法  
所必誅而摧堅陷陣殺賊立功者必邀上賞即使  
効命捐軀亦得仰膺卹典歿有餘榮并可思及子  
孫與其退而死於法毋寧進而死於敵況奮勇直  
前未必皆陷不測將弁兵丁等果能共知大義踴  
躍爭先自必所向克捷至嚴如煙所擬屯田方畧  
雖屬古今成法但前代所行皆因鄰敵邊患而設

寓兵於農且耕且戰以省糧運之費今教匪乃內地亂民勢難爲曠日持久之計現當剿賊喫緊之際豈有如許兵力置之空閒其說迂濶難行嚴如璽現已用爲知縣發往陝西並將伊呈出屯田方畧抄寄長麟閱看該督當量其才具酌加委用惟四川陝西湖北三省自教匪起事以來四年有餘其從賊叛產及逃亡民戶田產無著者爲數不少

屢經降旨令該督撫分別清查以安插無業民人  
總未見該督撫奏及此項地畝作何著落豈竟  
爲閒田究係分給何項民人管業此皆目前要務  
該督撫等何漫不經心乎著長麟勒保姜晟台布  
倭什布等速飭所屬查明實數及作何籌辦分給  
耕種之處卽行覆奏再朕每閱各路軍營奏報投  
出難民俱稱給以路票酌予盤費令其回籍但其

中有業可復者自可各安生計若本無恒產口食  
無資必仍思去而從賊近聞擒獲賊匪內往往搜  
出官給路票此卽投出難民未能妥爲撫卹明驗  
該督撫等亟宜謀其生業安輯人心多一民卽少  
一賊矣帶兵大員遇賊打仗竟不知爲何股賊匪  
迨事後審訊獲賊始知此股賊首姓名可見臨陣  
時伊等竟茫然莫辨及至賊匪敗退後伊等摺內

僅稱四散逃竄總未能確指竄往何處卽云賊匪  
翻山越嶺官兵不能迅速趕上但於賊匪敗逃時  
何難密派一二強健弁兵尾隨偵探俾知賊匪確  
切蹤跡以便設法兜剿或豫爲防堵俱可得力至  
團練鄉勇保護地方自當以堵禦爲重然遇賊匪  
竄至該處亦斷無不嚴加剿殺之理其帶兵剿賊  
各員於盡力奮擊之際若不行設法兜截則賊

匪大駭直前奔竄僅恃地方官團勇爲之攔阻亦  
難保百無一失卽如前此楊開甲等股衝入卽西  
卡隘恒瑞扎克塔爾帶兵緊擊亦賴額勒登保等  
在東面攔堵故能將賊匪截回峽境此卽帶兵大  
員以堵爲剿之成效總之剿堵防守分任其事責  
成乃無旁貸剿堵防守合爲一事聲勢方可相聯  
惟在各路領兵大員及督撫等各就現在情形盡



心籌畫妥爲辦理以期早靖賊氛速安黎庶也